

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

**572/2022 Foru Agindua, abenduaren 7koa. Onestea Arabako Foru Aldundiaren Administrazio Orokorrean karrerako funtzionario gisa sartzeko iraupen luzeko aldi baterako enplegua egonkortzeko salbuespeneko prozesuen oinarri orokorrak, aldi baterako enplegua egonkortzeko 2022ko enplegu publikoaren eskaintzari dagozkienak**

Foru Gobernu Kontseiluaren maiatzaren 24ko 289/2022 Erabakiaren bidez, onetsi zen Arabako Foru Aldundiaren Administrazio Orokorrean iraupen luzeko aldi baterako enplegua egonkortzeko 2022ko enplegu publikoaren eskaintza.

Euskal Autonomia Erkidegoko Administrazio Kidegoei eta Eskalei buruzko azaroaren 11ko 7/2021 Legearen bigarren xedapen gehigarrian, Administrazio publikoetan behin-behinekotasuna murrizteko premiazko neurriei buruzko abenduaren 28ko 20/2021 Legearen seigarren eta zortzigarren xedapen gehigarriekin loturik, ezarrita dago ezen, lehenengo xedapen gehigarrian xedatutakoa ezertan eragotzi gabe, euskal administrazio publikoek enplegua egonkortzeko prozesuak egin ahal izango dituztela lehiaketa-sistemaren bidez euskal funtzio publikoan sartzeko, enplegu publikoari buruzko Estatuaren oinarritzko legerian xedatutakoaren esparruan.

Foru agindu honen bidez onesten diren oinarri orokorretan, Arabako Foru Aldundiaren Administrazio Orokorreko enplegua egonkortzeko salbuespeneko prozesuen deialdiei aplikatu beharreko araudia jasotzen da.

Bat etorri Euskal Funtzio Publikoari buruzko uztailaren 6ko 6/1989 Legeak 23. artikuluan eta II. tituluko IV. kapituluaren langileen hautaketari buruz ezarritakoarekin, eta Funtzio Publikoaren arloko eskudantziak ezartzen dituen Diputatuen Kontseiluaren uztailaren 30eko 154/1993 Foru Dekretuan eta Enplegu, Merkataritza eta Turismo Sailaren eta Foru Administrazioaren egitura organikoa eta funtzionala onesten duen ekainaren 1eko 23/2021 Foru Dekretuan ezarritakoarekin,

#### XEDATZEN DUT

Lehenengoa. Onestea Arabako Foru Aldundiaren Administrazio Orokorrean karrerako funtzionario gisa sartzeko iraupen luzeko aldi baterako enplegua egonkortzeko salbuespeneko prozesuen oinarri orokorrak, aldi baterako enplegua egonkortzeko 2022ko enplegu publikoaren eskaintzari dagozkienak. Foru agindu honen eranskinean agertzen dira.

Bigarrena. Foru agindu honen aurka administrazioarekiko auzi errekurtsua aurkeztu ahal izango da, bi hilabeteko epean, argitaratu eta hurrengo egunetik aurrera, Euskal Autonomia Erkidegoko Auzitegi Nagusian, edo, nahi izanez gero, berraztertze errekurtsua, hilabeteko epean, ebazpena eman duen organo berean, bat etorri uztailaren 13ko 29/1998 Legeak, administrazioarekiko auzien jurisdikzioa arautzen duenak, 46.1. artikuluan xedatutakoarekin -urriaren 1eko 39/2015 Legeak, administrazio publikoaren administrazio prozedura erkidearenak, 123. artikuluan xedatutakoarekin lotuta-.

Vitoria-Gasteiz, 2022ko abenduaren 7a

*Bigarren diputatu nagusiordea eta Enplegu, Merkataritza eta Turismo Sustapenaren eta Foru Administrazioaren Saileko foru diputatua*  
**CRISTINA GONZÁLEZ CALVAR**



Arabako Foru Aldundia  
Diputación Foral de Álava

Enplegu, Merkataritza eta Turismo  
Sustapenaren eta Foru  
Administrazioaren Saila  
Departamento de Fomento del  
Empleo, Comercio y Turismo y de  
Administración Foral

Funtzio Publikoko Zuzendaritza  
Dirección de Función Pública

## I. ERANSKINA

**FORU GOBERNU KONTSEILUAREN MAIATZAREN 24KO 289/2022 ERABAKIAN, ZEINAREN BIDEZ ONETSI BAITZEN ARABAKO FORU ALDUNDIAREN ADMINISTRAZIO OROKORREKO ALDI BATERAKO ENPLEGUA EGONKORTZEKO 2022KO ENPLEGU PUBLIKOAREN ESKAINTZA, IRAUPEN LUZEKO ALDI BATERAKO ENPLEGUA LEHIAKETA-SISTEMAREN BIDEZ EGONKORTZEKO EZARTZEN DIREN SALBUESPENEZKO DEIALDIEN OINARRI OROKORRAK.**

### 1. XEDEA

1.1 Oinarri hauen xedea da arau orokorrak ezartzea Arabako Foru Aldundiaren Administrazio Orokorreko eskala, azpieskala, klase eta espezialitateetan, iraupen luzeke aldi baterako enplegua egonkortzeko salbuespenezko deialdietako oinarri espezifiko egokietan adierazten direnetan, lehiaketa-sistemaren bidez sartzeko.

Aukeratutakoek, izendatu eta lanpostuaz jabetu ondoren, Arabako Foru Aldundiaren Administrazio Orokorreko karrerako funtzionario bihurtuko dira, gai horretan indarrean dauden xedapenek adierazten dituzten eskubide eta betebeharrak guztiekin.

1.2 Deialdietan txanda libre bakarra izango da sarrera orokorrerako, eta ez da ezarriko desgaituentzako erreserba-kuporik.

1.3 Hautaketa-prozesu bakoitzaren berezitasunak dagozkien deialdien oinarri espezifikoaren arautuko dira. Deialdi horiek betiere honako hauek jasotzeko behar dituzte:

- Deitutako plazaei dagokien taldea, sailkapen-azpitaldea, eskala, azpieskala eta, hala badagokio, klasea eta espezialitatea.
- Deitutako plazaren kopurua eta haien banaketa derrigorrezko eta derrigortasun datarik gabeko hizkuntza-eskakizunen arabera.
- Deitutako plazaei dagozkien lanpostuetan jarduteko eskatzen diren betekizun espezifikoak.
- Hautaketa-prozesuan parte hartu ahal izateko eskatzen den titulazioa.
- Baloratzeko diren merezimenduak eta haien baremoa.
- Berdinketa hausteko irizpide gisa emakumeei lehentasuna emateko klausula aplikatzea edo ez aplikatzea.

### 2. BALDINTZA OROKORRAK

Deialdiko plazetan sartu nahi duten izangaiek, eskabideak aurkezteko epea amaitu baino lehen, bete beharko dituzte parte hartzeko baldintza orokor hauek, bai eta deialdi bakoitzaren oinarri espezifikoetan adierazten direnak ere, oinarri orokor hauetako 6.1 atalean euskarazko hizkuntza-



eskakizunak egiaztatzeko ezarritako salbuespenarekin, eta baldintza horiek betetzen jarraitu beharko dute karrerako funtzionario gisa lanpostuaz jabetu arte.

### 2.1 Izangaiek bete beharreko baldintza orokorrak.

Hauek dira parte hartzeko baldintza orokorrak:

- a) Europar Batasuneko kide den estaturen bateko nazionalitatea edukitzea, edo, bestela, Europar Batasunak egin eta Espainiako estatuak berretsitako nazioarteko itunak aplikatzearen ondorioz, langileen zirkulazio askea onartuta daukan estaturen bateko nazionalitatea edukitzea.

Halaber, Europar Batasuneko estatueta nazionalitatea dutenen ezkontideek ere parte hartu ahal izango dute, baldin eta Zuzenbidearen arabera bananduta ez badaude, bai eta haien ondorengoen eta ezkontideen ondorengoen ere, baldin eta Zuzenbidearen arabera bananduta ez badaude eta ondorengoak hogeita bat urtetik beherakoak badira edo, adin horretatik gorakoak izanda ere, menpekoak badira.

- b) Hamasei urte beteta edukitzea eta, hala badagokio, nahitaezko erretiroa hartzeko gehieneko adina gainditu gabe izatea.
- c) Behar den besteko gaitasun funtzionala edukitzea egitekoak betetzeko, eta ez izatea deitutako plazei dagozkien lanpostuko funtzioak eta egitekoak betetzea eragozten duen gaixotasunik edo akats fisiko nahiz psikikorik.
- d) Dagokion deialdi espezifikoan eskatzen den titulu ofiziala edo homologatua edukitzea, edo hura jaulkitzeko eskubideak ordaindu izana. Atzerriko tituluak badira, homologazioa egiaztatzen duen ziurtagiria beharko da.
- e) Diziplina espediente bidez baztertua ez egotea administrazio publiko, organo konstituzional edo autonomia erkidegoetako estatutuen arabera erakunderen batetik, ez eta epai bidez erabat edo bereziki ezgaituta ere enplegu edo kargu publikoak izateko edo funtzionarioen kidegora edo eskalara sartzeko. Beste estatu bateko nazionalitatea izanez gero, desgaituta edo antzeko egoeran ez egotea, eta diziplina zehapenik edo baliokiderik ez izatea, bere estatuaren baldintza berberetan enplegu publikora iristea eragozten duenik.
- f) Indarreko araudiaren arabera ezgaitasun edo bateraezintasuneko lege kausaren batean sarturik ez izatea.
- g) Parte hartzen den deialdiari dagokion eskala, azpieskala, klase eta espezialitatean Arabako Foru Aldundiaren Administrazio Orokorreko karrerako funtzionarioa ez izatea.
- h) Eskabideak aurkezteko epearen barruan ordaindu izana parte hartzen den deialdi bakoitzean izena emateko tasa, zeinaren zenbatekoa 4. oinarrian zehazten baita.

### 2.2 Baldintza espezifikoak.



Beraiek betetzeko baldintza espezifikoak ezarrita dauzkaten lanpostuekin loturiko plazak ezingo dituzte inola ere bete eskabideak aurkezteko epea amaitzen den egunean haiek betetzen dituztela egiaztatu ez dutenek.

Deialdi bakoitzaren oinarri espezifikoetan, zehaztuko dira deitutako plazei dagozkien lanpostuetarako ezarrita dauden baldintza espezifikoak.

Hizkuntza-eskakizuna egiaztatzea baldintza espezifiko bat da hizkuntza-eskakizuna esleiturik eta derrigortasun data igarota daukaten lanpostuei dagozkien plazak lortzeko.

### 3. ESKAERAK AURKEZTEA

#### 3.1. Baldintza, epea eta era.

##### 3.1.1. Baldintzak.

Iraupen luzeko aldi baterako enplegua egonkortzeko salbuespenezko deialdietan parte hartu nahi dutenek eskabide bana aurkeztu beharko dute parte hartu nahi duten deialdi guztietan, ondoko baldintza hauek betetz:

- a) Eskabidearen atal guztiak bete beharko dituzte.
- b) Eskatera hori, merezimenduak alegatzeko eta autobarematzeko formularioarekin batera, hala badagokio, adierazitako epearen barruan aurkeztea.
- c) Deialdi bakoitzaren oinarri espezifikoetan ezarritako inskripzio tasa ordaintzea.

Ezarritako epearen barruan eskabidea ez aurkezteak edo tasa ez ordaintzeak hautaketa-prozeduran ez onartzea ekarriko du.

Hala ere, tasa moduan ordaindutako zenbatekoan akatsen bat izanez gero, errekerimendua egingo da akatsa zuzendu dadin 10 egun balioduneko epean.

Tasa epearen barruan ordaintzeak ez du inola ere ordeztuko eskabidea oinarri hauetan adierazitako epean eta moduan aurkezteko izapidea. Ondorioz, eskabidea ez aurkezteak deialdian ez onartzea ekarriko du.

##### 3.1.2 Epea.

Eskabideak eta merezimenduak alegatzeko eta autobarematzeko formularioa hogeiei egun balioduneko epean aurkeztu beharko dira, dagokion deialdi espezifikoaren laburpena Estatuaren Aldizkari Ofizialean argitaratu eta hurrengo egunetik aurrera.

##### 3.1.3 Aurkezteko era.

Eskaerak eredu ofizial eta normalizatuan egin behar dira eta, lehenetsuz, Arabako Foru Aldundiaren Enplegu Publikoaren Atariaren bidez aurkeztu ([www.araba.eus/PortalEmpleo](http://www.araba.eus/PortalEmpleo)), eskabidearen atal guztiak beteta. Eskabideak barne izango du oinarri espezifikoetan ezarritako tasaren ordainketa telematikoa.



Salbuesenez, paper euskarriko eskaera eta tasaren ordainketa-gutuna helbide honetan eskuratu ahal izango dira: Giza Baliabideen Zerbitzua, Probintzia plaza 14, 3.a, Vitoria-Gasteiz.

Aplikatzekoa izango da, halaber, urriaren 1eko 39/2015 Legearen, administrazio publikoen administrazio prozedura erkidearenaren, 16.4. artikulua.

Horretarako, onarpen eskaera bana aurkeztu beharko da parte hartu nahi den deialdi guztietarako, bigarren diputatu nagusiorde eta Enplegu, Merkataritza eta Turismo Sustapenaren eta Foru Administrazioaren Saileko foru diputatuari zuzenduta, eta honako hau adierazi beharko da hartan:

- A. Datu pertsonalak: Izen-abizenak, NAN zenbakia.
- B. Harremanetarako datuak: posta helbidea, telefono mugikorra eta helbide elektronikoa.
- C. Parte hartu nahi den eskala, azpieskala, klase eta espezialitatearen deialdia.
- D. Oinarri orokorretan eta espezifikoetan eskatzen diren baldintza guztiak betetzen direlako adierazpena, betiere aurkezteko epea amaitzen den egunean bete hain zuzen, oinarri hauen 6.1 atalean euskarazko hizkuntza-eskakizuna egiaztatzeko ezarritako salbuespenarekin.
- E. Alegatutako merezimenduak eta haien autobaremazioa, deialdiaren oinarri espezifikoetan ezarritakoaren arabera.
- F. Deialdian parte hartzeko eskabidea aurkezten den egunean egiaztatutako euskarazko hizkuntza-eskakizuna.
- G. Euskarazko hizkuntza-eskakizunak egiaztatzeko ariketa egiteko aukera.

Oinarri orokor hauen eta deialdietako oinarri espezifikoaren ondorioetarako, parte hartzeko eskabidean izangaiak adierazten badu prozesuan parte hartzeko eskatzen diren baldintza guztiak betetzen dituela – euskara jakitearen baldintza izan ezik – eta harekin batera doan formularioan alegatutako eta autobarematutako merezimenduak egiazkoak eta zehatzak direla, erantzukizunpeko adierazpentzat hartuko da, Administrazio Publikoaren Administrazio Prozedura Erkidearen urriaren 1eko 39/2015 Legearen 69. artikuluan ezarritakoaren arabera.

Eskabidea eta merezimenduak alegatzeko eta autobarematzeko formularioa aurkezteko garaian, izangaiak ez du aurkeztu beharko parte hartzeko baldintzak eta alegatutako merezimenduak egiaztatzen dituen agiririk. Hori guztia, ezertan eragotzi gabe alegatutako merezimenduak egiazkoak direla eta deialdian parte hartzeko eskatzen diren baldintzak betetzen direla behar den garaian egiaztatzea, hala eskatzen zaien izangaiari dagokienez.

#### 3.1.4 Datu pertsonalen babesa.

Datu pertsonalen babeserako dagoen legeria betetz, hautaketa-prozesu bakoitza kudeatzeko eskatzen diren datuak Giza Baliabideen Zerbitzua kudeatzen duen “Enplegu Publikoaren Eskaintza” tratamendu jardueran sartuko dira, Arabako Foru Aldundiaren zerbitzuetan lanean jarduteko izangaien



datuak kudeatzeko, eta haiek aukera izango dute zuzentzeko, ezereztzeko, ezabatzeko, aurka egiteko, mugatzeko eta transferitzeko eskubideaz baliatzeko Arabako Foru Aldundiaren Erregistro Orokorrera joaz (Probintzia plaza, 5, 01001 PK, Vitoria-Gasteiz, Araba).

Hautaketa-prozesuetan parte hartzen dutenek espresuki baimena ematen dute, kontrakoa adierazi ezean, beren datu pertsonalak oinarri hauetan eta deialdi bakoitzaren deialdi espezifikoan adierazitako moduan eta xederako tratatzeko, baita Arabako Foru Aldundiak Euskara Tituluen eta Ziurtagirien Erregistro Bateratuan euskara maila egiaztatzeke ere, eta halaber informatikaren ezagutza, ikasketatituluak eta, hala badagokio, beste administrazio publiko batzuetan emandako zerbitzuak egiaztatzeke.

Tratamenduaren arduraduna: Arabako Foru Aldundiaren Gobernu Kontseilua.

Helburua eta erabilera aurrekusiak: Arabako Foru Aldundiko Administrazio Orokorrean zerbitzuak emateko langileak hautatzeko prozesuen kudeaketa eta jarraipena egitea eta parte-hartzaileei informazioa ematea. Zehazki, erabilera hauek: partaidetza eskaerak kudeatzea, probetan egokitzapenak egiteko eskaerak kudeatzea, onartuen eta baztertuen zerrendak argitaratzea, probak kalifikatzea eta meritua balioestea, prozesuekin loturiko erreklamazioak eta errekursoak kudeatzea, prozesuan zehar eskatzaileek aurkeztutako dokumentazioa kudeatzea, probetarako bertaratzeak kontrolatzea, ziurtagiriak egitea, prozesuen datu historikoak kontsultatzea, ikerketak eta estatistikak egitea, lan poltsak kudeatzea.

Legitimazioa: interesdunak emandako baimena.

### 3.2 Merezimenduen alegazioa eta autobarematzea parte hartzeko eskabidean.

Parte hartzeko eskabide ororekin batera, merezimenduak alegatzeko eta autobarematzeko formularioa aurkeztu beharko da. Izangaiak merezimendu bakoitzari puntuazioa esleitu beharko dio oinarri espezifikoetan ezarritako baremoaren arabera, eta haiekin lotuta geratuko da.

Ez dira baloratuko parte hartzeko eskabideari erantsitako formularioan alegatu eta autobarematu ez diren merezimenduak.

Alegatutako eta autobarematutako merezimenduak, eskabideak aurkezteko epearen barruan bakarrik aldatu ahal izango dira. Alegatutako eta autobarematutako merezimenduak aldatu edo osatu nahi izanez gero, eskabideak aurkezteko epearen barruan beste formulario bat erantsi beharko zaio eskabideari. Bertan, alegatutako eta autobarematutako merezimenduen alegazio berria eta osoa egin beharko da, eta horrek aurreko formularioa ordeztuko du ondorio guztietarako, eta ez dira inola ere elkarren osagarri izango.

Aipatutako formularioa eskabidearekin batera aurkezten ez bada, ezin izango da zuzendu eskabideak aurkezteko epea amaitu ondoren.

Aurkezteko epea amaitu ondoren, ez da onartuko formulario horren aldaketarik edo hutsen zuzenketarik ere.



Epaimahai kalifikatzaileak ez ditu aintzat hartuko izangaiek eskatzen zaien unean dokumentu bidez egiaztatzen ez dituzten merezimendu alegatuak.

### 3.2.1 Merituak alegatzeko arauak.

Parte hartzeko eskabidearekin batera aurkeztu behar den merezimenduen formularioan, osorik eta banan-banan adierazi behar dira alegatzen diren merezimendu guztiak.

Baloratzea nahi den merezimendu guztiak formulario horretan alegatu beharko dira, are Arabako Foru Aldundiaren Administrazio Orokorrean izandako esperientzia profesionalari buruzkoak, erakunde hark deitutako hautaprobak gainditzeari buruzkoak, euskararen ezagutzari buruzkoak edo, hala badagokio, deialdi egokiaren oinarri espezifikoean xedatutakoaren arabera baloratu daitezkeen beste batzuk ere. Bestela, ez dira baloratuko.

Deialdi jakin batean parte hartzeko eskaerarekin batera aurkezten den formularioan alegatutako merezimenduak ezin izango zaizkio inongo beste deialdi bati aplikatu eta, beraz, formulario horrekin batera aurkeztu den eskabideari dagokion deialdian bakarrik izango dute eragina.

Lanbide esperientziaren alegazioa, orokorra nahiz espezifikoa, deialdi egokiaren oinarri espezifikoean ezarritakoaren arabera baloratzeko den esperientziara mugatu beharko da, eta zorrozki agertu beharko dira lan egindako aldiak, are zerbitzu-emate baten eta hurrengoaren arteko etena egun bakar batekoa denean ere.

Ondorio horietarako, zerbitzu-emateen etentzat edo lan egin gabeko alditzat hartuko dira izangaiek administrazioarekin zerbitzu harremanik ez duen aldiak. Aldizkako lan-kontratuko langileen jarduerarik gabeko aldiak ez dira lan egindako denboratzat hartuko haiek merezimendu gisa baloratzeko, aldi horietan langilearen eta administrazioaren arteko loturak irauten badu ere.

Euskaraz jakitea merezimendu gisa alegatzeko eta, hala badagokio, autobarematzeko, oinarri orokor hauetako 6.2, 6.3 eta 6.4 ataletan ezarritakoari jarraituko zaio.

### 3.2.2. Merezimenduen erreferentzia-data.

Merezimenduak baloratzeko erreferentzia-data, euskararen jakite-mailari dagokiona izan ezik, deialdia Arabako Lurralde Historikoko Aldizkari Ofizialean argitaratzen den eguna izango da, egun hori barne.

Euskaraz jakitea merezimendu gisa baloratzeko erreferentzia-data, oinarri orokor hauetako 6.1 atalean ezarritakoa izango da.

## 4. IZENA EMATEKO TASAK

Hautaketa-prozesuan parte hartu nahi dutenek ondoren adierazten diren tasak ordaindu beharko dituzte izena eman nahi duten deialdi bakoitzerako, eskaerak aurkezteko epearen barruan:



TALDEA/AZPITALDEA	KUOTA
A (A1)	30 euro
B (A2)	30 euro
C (C1)	20 euro
D (C2)	20 euro
E (LT)	10 euro

Izena emateko tasa ez da itzuliko eskatzaileari egoztekoak diren arrazoiengatik. Horren ondorioz, baldintzak ez betetzeagatik, prozesua ez gainditzeagatik edo deialdian eskatutako dokumentazioa ez aurkezteagatik izangairen bat hautaketa-prozesutik kanporatuz gero, ez zaio itzuliko ordaindutako tasa.

Tasa hori ordaintzetik salbuetsita egongo dira eskaera aurkezten den egunean:

- ehuneko 33ko desgaitasuna edo handiagoa dutela egiaztatzen dutenak.
- eskaeraren dataren aurreko azken hilabetean gutxienez enplegu eskatzaile izan direnak. Ezingo dira salbuespen horretaz baliatu "enplegu hobekuntzaren" eskatzaile gisa izena emanda egon direnak, ez eta enplegu eskatzailearen prestazio ekonomikoak jasotzen ari direnak ere.

Salbuespenerako eskubidea dutenek ondoko egiaztagiriri hauen kopia zigilatua aurkeztu beharko dute eskabidearekin batera:

- Desgaituek: Desgaitasun ziurtagiria.
- Enplegu eskatzaileek: 1. enplegu eskatzaile gisa izena emanda egondako aldiak ziurtatzeko enplegu bulegoak (Lanbide) edo baliokideak egindako ziurtagiria. 2. Enplegu Zerbitzu Publikoaren ziurtagiria, zeinetan azaltzen baita ez dela jasotzen ari langabezia prestazio edo laguntzarik.

Salbuespena justifikatzen duten jatorrizko agiriak aurkezteko eskatu ahal izango da.

## 5. HAUTAKETA-PROZEDURA

Hautaketa-prozedura lehiaketa izango da. Hartan, onartutakoek alegatutako eta oinarri orokor hauetan ezartzen den moduan egiaztatutako merezimenduak aztertu eta baloratuko dira, deialdi bakoitzaren oinarri espezifikoetan jasotako baremoaren arabera, eta baremo horretan aurreikusitako ez bestelako merezimendurik ezin izango da inola ere baloratu.

Lehiaketa ez da baztertzaileria izango.

### 5.1 Merituak alegatzea eta egiaztatzea:

Deialdi espezifiko bakoitzean baloratzea nahi duten merezimenduak alegatu eta autobarematu beharko dituzte izangaiek, hartan parte hartzeko eskabidearekin batera, aurkezteko ezarritako epean.

Oinarri hauetan adierazitako moduan alegatu, autobarematu eta egiaztatu ez diren merezimenduak ez dira baloratuko.





## 5.2 Merezimenduak.

Deialdi bakoitzaren oinarri espezifikoek baremo bat edukiko dute, ondoko merezimendu hauen guztien edo batzuen balorazioa jasoko duena:

### 5.2.1 Esperientzia.

Deialdi bakoitzaren oinarri espezifikoetako merezimenduen baremoan, esperientzia orokorra baloratuko da edozein administrazio publikotan (Arabako Foru Aldundiaren Administrazio Orokorra barne) emandako zerbitzuengatik, oinarri horietan zehazten den moduan.

Era berean, merezimenduen baremoak Arabako Foru Aldundiaren Administrazio Orokorrean emandako zerbitzuen balorazioa jasoko du, modu espezifikoa, berezian eta esperientzia orokorraren balorazioaren osagarri moduan.

Oinarri hauen ondorioetarako, Euskal Autonomia Erkidegoko Administrazio Orokorrean Arabako Foru Aldundiaren Administrazio Orokorrari eskualdatu zaizkion eginkizunetan eta zerbitzuetan emandako zerbitzuak azken horretan emandako zerbitzutzat hartuko dira.

Esperientzia baloratzeko, batu egingo dira alegatutako aldien egunak eta, batuketa egin ondoren, hilabete baino gutxiagoko zatiak baztertuko dira. Ondorio horietarako, 30 egun naturalek osatutzat joko da hilabetea.

#### 5.2.1.1. Esperientzia egiaztatzea.

Oinarri orokor hauetako 7.3 atalean xedatutakoaren arabera epaimahai kalifikatzaileak ezartzen duen garaian egingo da esperientziaren egiaztapena.

Eskabideak aurkezteko epearen barruan alegatu eta autobarematu beharko dituzte izangaiek Arabako Foru Aldundiaren Administrazio Orokorrean emandako zerbitzuak, baina Funtzio Publikoaren Zuzendaritzak egiaztatuko ditu ofizioz.

Gainerako administrazio publikoetan emandako zerbitzuak, alegatu eta autobarematuak, izangaiek hala eskatzen zaienean egiaztatu beharko dituzte, horretarako emandako epearen barruan, eta horren egiaztatzea aurkeztu beharko dute. Dokumentu horrek, administrazio bakoitzak ezarrita daukan ereduaren, lan egindako aldiak banakatu beharko ditu, lanpostuaren izena, titulazio taldea, eskala, azpieskala, klasea eta espezialitatea, edo kidego eta eskalak, edo lan kategoria zehaztuz.

Deialdiaren oinarri espezifikoetan hala jasota baldin badago, izangaiek egiaztatu beharko dituzte merezimendu gisa alegatu eta autobarematu diren betetako lanpostuetako eginkizunak.

### 5.2.2 Ikasketa-merezimenduak.

Deialdi bakoitzaren oinarri espezifikoek baremo bat edukiko dute, ondoko ikasketa-merezimendu hauen guztien edo batzuen balorazioa jasoko duena:



#### 5.2.2.1 Ikasketa-tituluak.

Ikasketa-titulu ofizialak edukitzea baloratuko da, deialdi bakoitzaren oinarri espezifikoetan ezartzen denaren arabera.

#### 5.2.2.2 Informatika.

Deialdi bakoitzaren oinarri espezifikoetako merezimenduen baremoan adierazten diren informatika-ezagutzak baloratuko dira. Ezagutza horiek IT Txartelaren ziurtagiriaren bidez egiaztatuko dira, edo beste erakunde publiko batzuek emandako ziurtagiri baliokidearen bidez.

Modulu beraren bertsio bat baino gehiago egiaztatzen badira, haietako bat bakarrik baloratuko da.

#### 5.2.2.3. Hizkuntzak.

Ingelesez, frantsesez eta alemanez jakitea baloratuko da, Europar Batasuneko lan-hizkuntza direnez, deialdi bakoitzaren oinarri espezifikoetan ezartzen den baremoaren arabera.

Uztailaren 30eko 117/2015 Dekretuaren eranskinean eta abenduaren 22ko 1041/2017 Errege Dekretuan maila eta hizkuntza bakoitzerako jasotzen diren tituluak eta ziurtagiriak baino ez dira baloratuko (117/2015 Dekretua, hizkuntza-titulu eta ziurtagiriaren baliokidetasuna ezartzekoa, Euskal Autonomia Erkidegoko Administrazio Orokorreko eta haren erakunde autonomoetako lanpostuen hautatze eta hornitze-prozesuetan. 1041/2017 Errege Dekretua, oinarritzko izaeraz ezartzen dituen zerbait ikasketa-planetan araututako araubide bereziko hizkuntza-irakaskuntzen eta errege dekretu horretakoen arteko baliokidetasunak).

#### 5.2.2.4 Ikasketa-merezimenduak egiaztatzea.

Alegatu eta autobarematutako ikasketa-merezimenduak, IT Txartelaren bidez ziurtatutako informatikari buruzkoak izan ezik, ofizioz egiaztatuko baitira, izangaiek egiaztatu beharko dituzte epaimahai kalifikatzaileak hala eskatzen dienean, eta egiaztagiria aurkeztu beharko dute horretarako emandako epearen barruan.

Atzerriko tituluak izanez gero, horrez gainera, homologazioa frogatzen duen egiaztagiriaren kopia soila aurkeztu beharko da.

Hizkuntzen jakite-maila honela egiaztatuko da:

- Hizkuntza Eskola Ofizialek emandako titulu eta ziurtagiriak
- Beste erakunde batzuek emandako titulu eta ziurtagiriak.

#### 5.2.3 Beste merezimendu batzuk

Oinarri espezifikoek kontuan hartu ahal izango dute deitutako plazen eskalan, azpieskalan, motan eta espezialitatean edo baliokidean Arabako Foru Aldundiaren Administrazio Orokorreko karrerako funtzionario izateko 2007ko eta ondorengo enplegu eskaintza publikoei dagozkien deialdietako oposizio fasea edo fase horretako zenbait ariketa gainditu izanaren balorazioa.



Era berean, oinarri espezifikoetan jaso ahal izango da deitutako plazen eskala, azpieskala, klase eta espezialitateko lanpostuetan aldi baterako jarduteko lan poltsa espezifikoak sortzeko Arabako Foru Aldundiaren Administrazio Orokorrak deitutako hautaketa-probak gainditu izanaren balorazioa, baldin eta harez gero ez bada egin deitutako plazetako karrerako funtzionario izateko enplegu publikoaren eskaintzen deialdirik.

5.2.3.1 Deialdi bakoitzaren oinarri espezifikoetako baremoek balorazio bereizia jasoko dute ondoko merezimendu hauetarako guztietarako edo batzuetarako:

A. Arabako Foru Aldundiaren Administrazio Orokorraren azken deialdiko oposizio fasea gainditu izana, betiere 2007ko edo ondorengo enplegu eskaintza publikoei badagokie.

B. Arabako Foru Aldundiaren Administrazio Orokorraren azken deialdiaren aurrekoaren oposizio fasea gainditu izana, betiere 2007ko edo ondorengo enplegu eskaintza publikoei badagokie.

C. Arabako Foru Aldundiaren Administrazio Orokorraren azken deialdiko oposizio faseko ariketaren bat gainditu izana, betiere 2007ko edo ondorengo enplegu eskaintza publikoei badagokie.

D. Arabako Foru Aldundiaren Administrazio Orokorraren azken deialdiaren aurrekoaren oposizio faseko ariketaren bat gainditu izana, betiere 2007ko edo ondorengo enplegu eskaintza publikoei badagokie.

Inola ere ezin daitezke baturik baloratu aurreko A eta C ataletako merezimenduak, edo B eta D ataletakoak.

E.- Deitutako plazen eskala, azpieskala, klase eta espezialitateko lanpostuetan aldi baterako jarduteko lan-poltsa espezifikoetan izatea, baldin eta geroztik ez bada egin deitutako plazetan karrerako funtzionario izateko enplegu eskaintza publikoen deialdirik.

Oinarri espezifikoetako baremoan ezarriko da, hala badagokio, atal honetan jasotako merezimenduengatik lor daitekeen gehieneko puntuazioa. Puntuazio hori ez da izango, inola ere, deialdian lor daitekeen gehieneko puntuazioaren % 25 baino handiagoa, kontuan hartu gabe euskaraz jakiteagatik merezimendu gisa izandako puntuazioa.

5.2.3.2 Beste merezimendu batzuk egiaztatzea.

Atal honetan jasotako merezimenduak deialdian parte hartzeko eskabidean alegatu eta autobarematu beharko dira, baina Funtzio Publikoaren Zuzendaritzak egiaztatuko ditu ofizioz.

## 6. EUSKARAZ JAKITEA.

Euskaraz jakitea merezimendu gisa baloratuko da derrigortasun data igarota daukan hizkuntza-eskakizunik gabeko lanpostuei dagozkien deitutako plazak lortzeko, honako hizkuntza-eskakizunetako bat egiaztatuz: 1., 2., 3. eta 4. HE.

Deialdi bakoitzaren oinarri espezifikoetan, merezimendu gisa baloratzekoa izanez gero, euskara jakiteagatik hautaketa-prozesuan lor daitekeen gehieneko puntuazioa ezarriko da, deitutako plazen



eskala eta azpieskalak eta, hala badagokio, klase eta espezialitateak bete ditzaketen lanpostuei esleitutakoetan nagusi den hizkuntza-eskakizunaren arabera.

Euskarazko hizkuntza-eskakizuna egiaztatzea baldintza espezifiko bat da hizkuntza-eskakizuna esleiturik eta derrigortasun data igarota daukaten lanpostuei dagozkien plazak lortzeko.

### **6.1 Hizkuntza-eskakizunak egiaztatzeko erreferentzia-data.**

Hizkuntza-eskakizunak egiaztatzeko erreferentzia-data, bai merezimendu gisa baloratzen denean, bai berariazko eskakizuna denean, oinarri orokor hauetako 6.5 atalean ezarritako euskara-proba bateratuko lehenengo ariketa egiten den eguna izango da, salbu eta izangaiek euskara-proba horretan parte hartuz lortzen badituzte.

### **6.2 Euskaraz jakitea merezimendu gisa alegatzeko arauak.**

6.2.1 Euskaraz jakitea merezimendu gisa baloratzekoa denean (deitutako plazekin loturiko lanpostu guztiek edo batzuek derrigortasun data igarota ez daukaten deialdiak), izangaiek alegatu eta autobarematu beharko dute deialdian parte hartzeko eskabideak aurkezteko epearen amaiera-egunean egiaztatuta daukaten hizkuntza-eskakizuna.

Hala ere, esandako egunean egiaztatuta daukatena baino goragoko hizkuntza-eskakizun bat deialdian merezimendu gisa baloratzea nahi duten izangaiek, data horretan egiaztatutako hizkuntza-eskakizuna adierazi beharko dute beren eskabidean, eta merezimenduen formularioan alegatu eta autobarematu beharko dute euskararen ezagutza, oinarri orokor hauetako 6.5 atalean ezarritako euskara-proba eginez nahiz, proba horretako lehenengo ariketa egin baino lehenago, beste prozedura batzuen bidez lortu nahi duten hizkuntza-eskakizunaren arabera.

Kasu horietan, prozedura horien bidez egiaztatzen den hizkuntza-eskakizun gorenaren arabera erabakiko du epaimahai kalifikatzaileak euskaraz jakiteagatik merezimendu gisa emango den puntuazioa, edo, bestela, eskabidean adierazitako eta eskabideak aurkezteko epea amaitzen den egunean egiaztatutako hizkuntza-eskakizunaren arabera.

6.2.2 Deialdian parte hartzeko eskabideak aurkezteko epea amaitzen den egunean hizkuntza-eskakizunik egiaztatuta ez daukaten izangaiek, deialdian beren euskara ezagutza baloratzea nahi badute, merezimendu gisa alegatu eta autobarematu beharko dute oinarri orokor hauetako 6.5 atalean ezarritako euskara-proba eginez nahiz, proba horretako lehenengo ariketa egin baino lehenago, beste prozedura batzuen bidez egiaztatu nahi duten hizkuntza-eskakizuna.

Kasu horietan, prozedura horien bidez egiaztatzen den hizkuntza-eskakizun gorenaren arabera erabakiko du epaimahai kalifikatzaileak euskararen ezagutzaren behin betiko balorazioa.

### **6.3 Berariazko baldintza moduan eskatzen den euskararen ezagutza alegatzeko arauak.**

Hizkuntza-eskakizun bat edukitzea deitutako lanpostuekin loturiko lanpostu guztiak lortzeko berariazko baldintza baldin bada derrigortasun data iraungita daukatelako, izangaiek ez dute merezimendu gisa autobarematu beharko euskararen ezagutza deialdian parte hartzeko eskabidean.



Hala ere, baldintza moduan eskatutako hizkuntza-eskakizuna deialdian parte hartzeko eskabideak aurkezteko epea amaitzen den egunean egiaztatuta ez daukaten izangaiek, hura lortu nahi badute oinarri orokor hauetako 6.5 atalean ezarritako euskara-proba eginez, eskabidean adierazi beharko dute aukeratzen dutela eskatutako hizkuntza-eskakizuna proba horren bidez egiaztatzea. Horrek ez du eragozten hura beste prozedura batzuen bidez egiaztatzerik, proba horretako lehenengo ariketa egin baino lehenago.

#### **6.4 Euskararen ezagutza egiaztatzea.**

##### **6.4.1 Ofiziozko egiaztapena.**

Arabako Foru Aldundiak ofizioz egiaztatuko du izangaiek hautaketa-prozesuan parte hartzeko eskabidean alegatutako hizkuntza-eskakizuna baduten, bai eskakizun hori baldintza denean, bai merezimendu gisa baloratzekoa denean, Euskara Tituluen eta Ziurtagirien Erregistro Bateratuan kontsulta eginda.

Egiaztatutzat emango dira aipatutako erregistroan jasotako hizkuntza-eskakizunak, baldin eta oinarri orokor hauetako hurrengo apartatuan ezarritako euskara-proba bateratuko lehenengo ariketa egiten den eguna baino lehenago egiaztatzerik badaude.

6.4.2 Eskabideak aurkezteko epea amaitzen den egunean erregistro horretan jasota ez dauden euskararen ezagutza-ziurtagiriak edo tituluak dauzkaten izangaiek, alegatutako hizkuntza-eskakizuna dutela egiaztatzen duten agiriak aurkeztu beharko dituzte, epaimahai kalifikatzaileak hala eskatzen badie, oinarri hauetako 7.3.1 atalean xedatutakoaren arabera.

Harez gero, izangaiek deialdian eskakizun gisa eskatzen den hizkuntza-eskakizuna egiaztatzen badu oinarri hauetako 6.5 atalean aurreikusitakoaz bestelako prozedura baten bidez, eta hura Euskara Tituluen eta Ziurtagirien Erregistro Bateratuan jasota ez badago, egiaztariak hamar egun balioduneko epean aurkeztu beharko ditu, aipatutako proba bateratuko lehenengo ariketa egin eta hurrengo egunetik aurrera.

Epe berean aurkeztu beharko dituzte merezimendu gisa autobarematutako goragoko hizkuntza-eskakizunen egiaztariak, baldin eta oinarri hauetako 6.5 atalean aurreikusitakoaz bestelako prozedura baten bidez lortu badira.

6.4.3 Arabako Foru Aldundiaren Administrazio Orokorreko hizkuntza eskakizunen baliokideak diren egiaztariak eta tituluak bi dekretu hauetan zehaztu dira: azaroaren 9ko 297/2010 Dekretua, euskararen jakite maila egiaztatzen duten tituluak eta ziurtagiriak baliokidetu, eta Hizkuntzen Europako Erreferentzi Marko Bateratuko mailekin parekatzeko dena; eta apirilaren 3ko 47/2012 Dekretua, euskaraz egindako ikasketa ofizialak aintzat hartzeko eta euskara maila hizkuntza tituluen eta ziurtagirien bidez egiaztatzerik salbuesteko dena.

#### **6.5 Euskara proba.**

Izangaiek Herri Arduralaritzaren Euskal Erakundeak (IVAP) deitzen duen proba bateratuan parte hartuz egiaztatu dezakete merezimendu gisa alegatutako eta autobarematutako hizkuntza-eskakizuna,



edo oinarri espezifikoean deitutako plazekin loturiko lanpostu batzuk edo guztiak lortzeko eskakizun gisa ezarritakoa.

Proba hori egin ahal izateko, izangaiek dagokien deialdian parte hartzeko aurkeztutako eskabidean espresuki adierazi beharko dute aukeratzen dutela hizkuntza-eskakizunak proba horren bidez egiaztatzea, eta, horren ondorioz, ezingo dute egin proba hori ez badira baliatu aukera horretaz.

Horretarako, epaimahai kalifikatzaileak argitara emango ditu euskara-probaren lehenengo ariketa egingo den eguna eta lekua.

Ariketaren behin-behineko emaitzak argitaratu eta hurrengo egunetik aurrera, interesdunek hamar egun baliodun izango dituzte euskara ariketaren gainean egoki jotzen dituzten erreklamazioak aurkezteko.

Erreklamazioak epealdia amaitu eta aurkezten diren erreklamazioak ebatzi ondoren epaimahaiak euskara ariketako behin betiko emaitzak argitaratzeko aginduko du.

## 7. HAUTAKETA-PROZESUAREN GARAPENA

### 7.1 Hautaketa-prozeduran onartzea.

7.1.1 Behin eskaerak egiteko epea amaituta, bigarren diputatu nagusiorde eta Enplegu, Merkataritza eta Turismo Sustapenaren eta Foru Administrazioaren Saileko foru diputatuak foru agindu bat emango du, zeinaren bidez onetsiko baita deialdi bakoitzean onartuen eta baztertuen behin-behineko zerrenda, baztertuen kasuan baztertzearen arrazoiak adieraziz. Foru agindu hori Arabako Lurralde Historikoa Aldizkari Ofizialean argitaratuko da.

Onartutako eta baztertutako izangaien zerrenda horretan honako hauek agertuko dira: izangai bakoitzaren merezimendu autobarematuen puntuazioa, alegatutako hizkuntza-eskakizuna eta, hala badagokio, oinarri orokor hauetako 6.2 atalean hizkuntza-eskakizunak egiaztatzeko ezarritako euskara proba egiteko aukera.

Baztertuek edo argitaratutako datuetan okerren bat hautematen dutenek hamar egun baliodun izango dituzte, behin-behineko zerrendak Arabako Lurralde Historikoa Aldizkari Ofizialean argitaratzen direnetik aurrera, erreklamazioa egiteko.

Erreklamazio epe hori ezingo da erabili eskabidea hobetzeko, merezimendu berriak erantsiz edo parte hartzeko eskabidean alegatu zirenak aldatuz.

Erreklamazioak bide elektronikoz egingo dira, Arabako Foru Aldundiaren enplegu atariaren bidez ([www.araba.eus/PortalEmpleo](http://www.araba.eus/PortalEmpleo)), edo Administrazio Publikoen Administrazio Prozedura Erkidearen urriaren 1eko 39/2015 Legearen 16.4 artikuluan adierazten diren bulegoetako edozeinetan.

7.1.2 Erreklamazioak egiteko epea amaitu eta haiek ebatzi ondoren, foru agindu bat emango da, zeinaren bidez onetsiko baitira deialdi bakoitzean onartuen eta baztertuen behin betiko zerrendak, eta horiek Arabako Lurralde Historikoa Aldizkari Ofizialean argitaratuko dira.



Foru agindu horiek Arabako Foru Aldundiaren enplegu atarian ere argitaratuko dira: ([www.araba.eus/PortalEmpleo](http://www.araba.eus/PortalEmpleo))

7.1.3 Betiere, hautaketa-prozeduran onartuak izateko, izangaiek egiaztatu beharko dute hautaketa-prozeduran eskatzen diren baldintza orokorrak eta espezifikoak betetzen dituztela, oinarri hauetako 8.3 atalean ezarritakoaren arabera aurkeztu behar den dokumentazioa ekarriz. Hortaz, interesdunak ez badu egiaztatzen agiri bidez esandako baldintzak betetzen dituela, galdu egingo ditu hautaketa-prozesuan parte hartzearen ondorioz sor daitezkeen eskubide guztiak.

## 7.2 Epaimahai kalifikatzaileak

### 7.2.1 Izendapena.

Bigarren diputatu nagusiordearen eta Enplegu, Merkataritza eta Turismo Sustapenaren eta Foru Administrazioaren Saileko foru diputatuaren foru agindu bidez izendatuko dira deialdi bakoitzeko epaimahai kalifikatzaileko kideak. Izendapenak Arabako Lurralde Historikoa Aldizkari Ofizialean argitaratuko dira, onartuen eta baztertuen behin betiko zerrendarekin batera.

### 7.2.2 Osaera.

Epaimahaiburuak eta lau mahaikidek osatuko dute epaimahai bakoitza, dagozkien ordezkoeekin. Kideetako batek idazkari-lanak egingo ditu.

Hartako kidezta norberaren izenean izango da beti; hau da, ezin daiteke besteren ordezkartzan edo besteren kontura jardun.

Epaimahaiak osatzean errespetatu egingo da espezialitatearen printzipioa, zeinaren arabera epaimahai bakoitzeko kideen erdiek, gutxienez, sartzeko eskatzen den jakintza arlo bereko titulu bat izan behar baitute, eta guztiak ikasketa maila bereko edo goragoko titulu bat.

Halaber, Emakumeen eta Gizonen berdintasunerako otsailaren 18ko 4/2005 Legearen 20.4. artikuluan jasotako ordezkartza orekatuaren printzipioa beteko da.

Epaimahaiak, komenigarria baderitzote, haietako kideei laguntzeko aholkulari espezialistak izendatzea erabaki dezakete. Aholkulari horiek, organo kalifikatzaileari laguntzean, beren espezialitate teknikoetara mugatuko dira.

### 7.2.3 Abstentzioa eta errekusazioa.

Epaimahaiko kideek ez dute beren egitekoan jardungo baldin eta Sektore Publikoaren Araubide Juridikoaren urriaren 1eko 40/2015 Legeak 23. artikuluan adierazten dituen egoeretako batean badaude, eta horren berri eman beharko diote bigarren diputatu nagusiorde eta Enplegu, Merkataritza eta Turismo Sustapenaren eta Foru Administrazioaren Saileko foru diputatuari.

Halaber, aurreko paragrafoan aipatzen diren arrazoietakoa bat badago, interesa dutenek epaimahaiko kideak ezetsi ahal izango dituzte edozein unetan, aipatutako lege testuaren 24. artikuluan ezarritakoaren arabera.



#### 7.2.4 Epaimahaien menpekotasuna oinarriekiko.

Oinarri orokor hauen eta hautaketa-prozesua arautzen duten oinarri espezifikoaren menpean daude epaimahaiak.

#### 7.2.5 Jarduketa-arauak.

Epaimahaiak, beren jardunean, urriaren 1eko 40/2015 Legeak, sektore publikoaren araubide juridikoarenak, 15. artikuluan eta hurrengoetan ezarritako arauetara lotuko dira.

Betiere, epaimahaiburuak aginduta eta idazkariak deialdia eginda, nahikoa denbora lehenago bilduko dira. Epaimahaia balio osoz eratzeko, ezinbestekoa izango da hauek bertaratzea: epaimahaiburuak eta idazkaria, edo haien ordezkariak, eta kideen erdiak, gutxienez. Erabakiak bertaratu direnen botoen gehiengoz hartuko dira.

Epaimahaietako kide guztiek hitza eta botoa izango dituzte. Berdinketak epaimahaiburuaren kalitate botoak desegingo ditu.

Epaimahaiburuak berak edo absentziatik, gaixotasunagatik edo legezko beste arrazoiren batengatik ordezkari izendatu den pertsonak bete ezin baditu haren egitekoak, epaimahaikideen artean antzinate handieneko eta adin handieneko kideak beteko ditu, hurrenkeran horretan.

Idazkariak berak edo absentziatik, gaixotasunagatik edo legezko beste arrazoiren batengatik ordezkari izendatu den pertsonak bete ezin baditu haren egitekoak, epaimahaiko kideetako edozeinenez beteko ditu, epaimahaiak gehiengoz izendatuta.

#### 7.2.6 Ahalmenak

Epaimahaiak autonomia funtzional osoz jardungo dute, prozeduraren legezkerasuna zainduko dute eta haren objektibotasuna bermatuko dute.

Halaber, oinarri hauen aplikazioan sortzen diren zalantzak ordenamendu juridikoaren arabera ebazteko dituzte, eta behar diren erabakiak hartuko dituzte deialdi bakoitza era egokian gauzatzeko, oinarrietan aurreikusitako kasuetan hartu beharreko irizpideak ezarrita.

Hautaketa-prozesuaren edozein unetan, epaimahaiak deialdian eskatutako baldintzak egiaztatze eskatu ahal izango du. Horretarako, 10 egun balioduneko epea emango du. Izangaien batek baldintza horiek betetzen ez baditu edo epe horretan egiaztatzen ez baditu, epaimahaiak, interesdunari entzunaldia eman ondoren, bigarren diputatu nagusiorde eta Enplegu, Merkataritza eta Turismo Sustapenaren eta Foru Administrazioaren Saileko foru diputatuari proposatu beharko dio hura baztertzea, hori proposatzeko arrazoiak adieraziz.

Izangaiek ezingo dute banaka jo epaimahaiko kideengana hautaketa-prozesuarekin zerikusia duen edozein gai buruz jarduteko. Hautaketa-prozesuaren inguruan sor daitezkeen auziak idatziz aurkeztuko zaizkio epaimahaiari, eta hark, kide anitzeko organoa denez, bidezkoa dena erabakiko du.

#### 7.2.7 Egoitza.





Epaimahai kalifikatzaileek Arabako Foru Aldundiaren Giza Baliabideen Zerbitzuan izango dute egoitza (Probintzia plaza 14, 3. solairua, Vitoria-Gasteiz 01001 PK).

#### 7.2.8 Zerbitzuarengatiko kalte ordainak:

Epaimahaietan parte hartzeko bertaratzeak eta emandako laguntzak eskubidea emango dute Eusko Jaurlaritzaren otsailaren 2ko 16/1993 Dekretuan, zerbitzuarengatiko kalte ordainei buruzkoan, aurreikusitako kalte ordainak jasotzeko.

7.2.9 Deialdiei, epaimahai kalifikatzaileen argitalpenei, erreklamazioei eta gainerako komunikazio, kontsulta eta gorabeherari buruzko informazioa.

##### 7.2.9.1 Deialdiei buruzko informazioa.

Deialdien informazio orokorra Interneten egongo da, interesdunen eskura: [www.araba.eus/PortalEmpleo](http://www.araba.eus/PortalEmpleo)

##### 7.2.9.2 Epaimahai kalifikatzaileen argitalpenak.

Hautaketa-prozesuaren ondorioz epaimahai kalifikatzaileak egiten dituen komunikazio eta jakinarazpenak Interneteko helbide honetan argitaratuko dira: [www.araba.eus/PortalEmpleo](http://www.araba.eus/PortalEmpleo).

7.2.9.3 Izangai bakoitzak, nahi baldin badu, eskatu ahal izango du hautaketa-prozesuari buruz Interneteko [www.araba.eus/PortalEmpleo](http://www.araba.eus/PortalEmpleo) helbidean argitaratzen diren jakinarazpen edo berrien abisua jasotzea SMS bidez edo posta elektronikoz, baldin eta aukera hori espresuki jasota geratu bazen hautaketa-prozesuan parte hartzeko aurkeztutako eskabidean, eskaera eredu ofizialean adierazitako baldintzetan.

##### 7.2.9.4 Erreklamazioak.

Interesdunek epaimahai kalifikatzailearen erabakien aurka egiten dituzten erreklamazioak bide elektronikoz egin behar dira, Arabako Foru Aldundiaren enplegu atariaren bidez ([www.araba.eus/PortalEmpleo](http://www.araba.eus/PortalEmpleo)), haren Erregistro Orokorrean edo Administrazio Publikoaren Administrazio Prozedura Erkidearen urriaren 1eko 39/2015 Legearen 16.4 artikuluan adierazten diren bulegoetako edozeinetan.

##### 7.2.9.5 Jakinarazpenak, kontsultak eta gorabeherak.

Interesdunek epaimahaiari zuzendu nahi dizkioten gainerako jakinarazpenak, kontsultak eta gorabeherak, ahal delarik, posta elektronikoz egingo dira, helbide honetara: [consultasofertaseempleodfa@araba.eus](mailto:consultasofertaseempleodfa@araba.eus) edo, idatziz, haren egoitzan (Arabako Foru Aldundiaren Giza Baliabideen Zerbitzua, Probintzia Plaza 14, 3. solairua, 01001 PK, Vitoria-Gasteiz).

### 7.3 Parte hartzeko eskabidean alegatu eta autobarematutako merezimenduen egiaztapena.

7.3.1 Deialdi bakoitzeko epaimahai kalifikatzaileak autobarematzioan puntuazio handiena lortu dutenei eskatuko die ofizioz egiaztatzen ez diren merezimendu alegatu eta autobarematuak agiri bidez egiaztatzea, 10 egun baliodunen barruan, eskaera hori Arabako Foru Aldundiaren enplegu atarian



([www.araba.eus/PortalEmpleo](http://www.araba.eus/PortalEmpleo)) argitaratzen denetik aurrera, oinarri hauetako 5.2.1.1, 5.2.2.4, 5.2.3.2 eta 6.4 apartatuetan xedatutakoaren arabera.

Agiriak Arabako Foru Aldundiaren Giza Baliabideen Zerbitzuan aurkeztu beharko dira (Probintzia plaza 14, 3. solairua, Vitoria-Gasteiz).

Izapide horretan ezingo da merezimendu berririk alegatu, ez eta aldatu ere alegatutako mererezimenduak edo parte hartzeko eskabidean egindako haien autobaremazioa.

Epaimahai kalifikatzaileak ez ditu baloratuko epe horretan egiaztatzen ez diren mererezimendu alegatu eta autobarematuak.

7.3.2 Alegatu eta autobarematutako mererezimenduak egiaztatzeko eskaera.

Eskaera horrek honako erregela hauek bete beharko ditu:

- A. Alegatutako mererezimenduak egiaztatzeko eskaera egiten zaien izangaien kopurua:
- 3 plaza edo gutxiago deitzen diren prozesuetan, deitutako plazak bider bost eskaera egingo dira.
  - Deitutako plaza-kopurua 4 eta 7 bitartean den prozesuetan, deitutako plazak bider lau eskaera egingo dira.
  - Deitutako plazak 8 edo gehiago diren prozesuetan, deitutako plazak bider hiru eskaera egingo dira.
- B. Aurreko erregelen arabera eskaera egiten zaion azken izangaiak bere autobaremazioan beste batzuen puntuazio berdina baldin badu, puntuazio berdina daukaten pertsona guztiak hartuko dira eskaeraren barnean.

7.3.4 Alegatutako eta autobarematutako mererezimenduen egiaztagiria jatorrizkoak izan behar dira, edo aldaezin egiten dituen lokalizatzailea edo sinadura elektronikoa daukaten agiriak, eta Euskal Autonomia Erkidegoko hizkuntza ofizialetako batean aurkeztu behar dira.

Dokumentu bat beste hizkuntza batean idatzita badago, dokumentu horrekin batera zinpeko itzulpena aurkeztu beharko da.

Hala ere, epaimahai kalifikatzaileak beharrezkotzat jotzen badu aurkeztutakoez gainera beste dokumentu batzuk aztertzea alegatutako eta autobarematutako mererezimenduak baloratzeko, haiek aurkez ditzatela eskatu ahal izango die izangaiei.

7.3.5 Alegatutako eta autobarematutako mererezimenduen egiaztagiria ez aurkeztea.

Epaimahai kalifikatzaileak ez ditu baloratuko alegatutako eta autobarematutako mererezimenduak, baldin eta izangaiek ez badute aurkezten adierazitako epearen barruan mererezimendu horiek egiaztatzen dituen jatorrizko dokumentazioa, ezinbesteko kasuetan izan ezik, edo aurkeztutako dokumentazioa



aztertu ondoren ondorioztatzen badu haietakoren bat ez daukatela, hargatik eragotzi gabe eskaeran datu faltsuak emateagatik bereganatu lezaketen erantzukizuna.

#### **7.4 Merezimenduen behin-behineko balorazioa.**

Alegatutako eta autobarematutako merezimenduak egiaztatzen dituzten agiriak aurkezteko eskaera izangaiei egin eta hartarako epea amaituta, epaimahai kalifikatzaileek argitara emango dute merezimenduen behin-behineko balorazioa.

Behin-behineko balorazio horren aurka, erreklamazioa egin ahal izango da hamar egun balioduneko epean, Arabako Foru Aldundiaren enplegu atarian argitaratu eta hurrengo egunetik aurrera.

#### **7.5 Merezimenduen behin betiko balorazioa.**

Epaimahai kalifikatzaileek, merezimenduen behin-behineko balorazioaren aurka aurkeztutako erreklamazioak ebatzi ondoren, argitara emango dute merezimenduen behin betiko balorazioa, merezimenduak batuta izangaiek lortutako puntuazio handienetik txikienera ordenatuta, euskara jakiteari dagokion puntuazioa barne.

Horretarako, epaitegiak honako arau hauek hurrenez hurren aplikatuz desegingo ditu berdinketak:

##### **A. Lehenetsun klausula**

Euskal Funtzio Publikoari buruzko uztailaren 6ko 7/1989 Legearen 27.2 artikuluan ezarritakoaren arabera, gaitasunaren aldetik berdintasuna badago, emakumeei lehenetsuna emango zaie emakumeak ehuneko 40 baino gutxiago diren kidego, eskala edo klase bati dagozkion deialdietan, salbu eta beste izangaiarengan neurri hori ez aplikatzea justifikatzen duen eta sexuagatik bereizgarria ez den arrazoirik badago, hala nola lana aurkitzeko eta lan sustapenerako eragozpen bereziak dituzten beste kolektibo batzuetakoa izatea.

Horretarako, izangaiengan gaitasun berdina dagoela iritziko da hautaketa-prozesuko azken puntuazioan berdinketa gertatzen denean, hau da, euskara jakiteagatik lortutako puntuazioa barne hartuta.

Deialdi bakoitzaren oinarri espezifikoek zehatuko dute berdinketa hausteko irizpide hori aplikatu behar den ala ez, eskala, azpieskala, klase eta espezialitate egokian emakumeek duten ordezkartzaren arabera.

##### **B. Berdinketa desegiteko irizpideak.**

Lehenetsun klausula aplikagarria ez bada edo, aplikagarria izanik ere, berdinketak irauten badu izangaiek lortutako puntuazioan, honako irizpide hauek hurrenez hurren aplikatuz ebatziko da berdintasuna:

- Puntuazio handiagoa esperientzia espezifikoaren atalean.



- Esperientzia espezifiko handiagoa, baloratu daitezkeen aldi guztiak egunka zenbatuta, deialdiaren oinarri espezifikoetan ezarritako gehieneko puntuazioa aplikatu gabe.
- Deitutako plazari edo plazei dagokien eskalan, azpieskalan eta klasean Arabako Foru Aldundiaren Administrazio Orokorreko karrerako funtzionario izateko egin den eta baloratzekoa den azken deialdiko oposizio fasea gainditu izana.
- Puntuazio handiagoa esperientzia orokorraren atalean.
- Puntuazio handiagoa euskaraz jakitearen atalean
- Puntuazio handiagoa ikasketa-merezimenduen atalean

Berdinketa hausteko irizpideak aplikatu ondoren berdinketak irauten baldin badu, epaimahaiak zozketa egingo du, eragindako izangaiak bertan daudela.

#### **7.6 Eskainitako lanpostuak eta lehentasun hurrenkera**

Epaimahai kalifikatzaileek, 7.3.2 atalean aurreikusitakoaren arabera eskaera egin zaien izangaien merezimenduen behin betiko balorazioarekin batera, argitara emango dute eskainitako lanpostuen zerrenda, esleituta daukaten derrigorrezko hizkuntza-eskakizuna eta haietan jarduteko eskatzen diren gainerako betekizun espezifikoak adieraziz, hala badagokio. Hamar egun balioduneko epea emango da izangaiak lanpostu horiei buruzko lehentasun hurrenkera adieraz dezaten.

Lanpostuei buruzko lehentasun hurrenkera garaiz eta era egokian adierazten ez duten izangaiak izendapen proposamenerako lehentasun hurrenkerako azken postuan geratuko dira.

### **8. LANGILEEN HAUTAKETA.**

#### **8.1 Izendapen proposamena.**

Izangaiak lanpostuei buruz dituzten lehentasunak adierazteko ezarritako hamar egun balioduneko epe hori amaituta, dagokion epaimahaiak argitara emango du karrerako funtzionarioak izendatzeko proposamena, zeinean adieraziko baita haietako bakoitzari dagokion destinoko lanpostua.

#### **8.2 Izendapen proposamen gehigarriak.**

Epaimahaiak ezin dezake proposatu deitutako plazak baino pertsona gehiago karrerako funtzionario izendatzerik, honako kasu hauetan izan ezik:

- a) Arabako Foru Aldundiaren Administrazio Orokorreko beste eskala, azpieskala edo talde bateko karrerako funtzionarioak eta karrerako funtzionarioentzat gordetako lanpostu baten titularrak diren pertsona aukeratuek, baldin eta, lanpostuen zerrendaren arabera, eskala, azpieskala edo talde horretako eta deitutako plazei dagozkienetako funtzionarioek bete badezakete lanpostu hori, lanpostuak aukeratzeko izapidean esleipen prozesuaren ondoriozko lanpostua edo ordura arte betetzen zuten lanpostua aukeratu ahal izango dute, betiere lanpostuko baldintza guztiak betetzen badituzte.



Kasu horretan, deialdiaren barruan dauden plazak ez dituzte kontsumituko, eta aukera hori egin ezean haiei legezkiekeen plazak hurrengo pertsonari esleituko zaizkie, dagokion deialdiko puntuazioen behin betiko zerrendako hurrenkeraren arabera.

Funtzionario horiek ez badute erabiltzen titular gisa daukaten lanpostuaren esleipendun izateko aukera, titular ziren eta aukera hori ez gauzatzeagatik hutsik gertatzen diren plazak esleituko dira.

- b) Aukeratutako pertsonak uko egiten badio izendatu edo postuaz jabetu baino lehen.
- c) Aukeratutako pertsonak lanpostua gorde gabeko eszedentzia eskatzen badu deitutako plazei dagokien eskalan, azpieskalan edo taldean, lanpostuaz jabetzeko garaian.
- e) Izendatutako pertsonak postuaz jabetzen ez badira ezarritako epean, ezinbesteko arrazoiengatik izan ezik.

Esandako kasuetan, deitutako lanpostuen kopuru bera betetzeko behar adina izendapen proposamen gehigarri argitaratuko ditu epaimahaiak, eta, hala badagokio, oinarri hauetako 7.3 atalean ezarritako izapidea errepikatuko da proposamen gehigarri horien barruan dauden pertsonentzat.

### 8.3 Agiriak aurkeztea

Karrerako funtzionarioak izendatzeko proposamena edo, hala badagokio, proposamen gehigarriak argitaratu eta hurrengo egunetik aurrera, proposamen horren barruan dauden izangaiek 10 egun balioduneko epea izango dute deialdian eskatutako gaitasun baldintzak eta betekizun orokor eta espezifikokoak betetzen dituztela egiaztatzen duten ondoko dokumentu hauek aurkezteko, epaimahaiak aldez aurretik eskatu ez baditu:

- a) Nortasun Agiri Nazionala.
- b) Izangai atzerritarrek Arabako Foru Aldundiaren jakinarazpen bat jasoko dute, non zehaztuko baitira dauden egoerarengatik nahitaez aurkeztu behar dituzten agiriak.
- c) Eskala, azpieskala eta klasera sartzeko eskatzen diren ikasketa-tituluak (deialdi bakoitzaren oinarri espezifikokoetan adierazten dira).
- d) Zinpeko aitortpena edo hitz ematea, adieraziz ezen ez dagoela ezgaitua eginkizun publikoetan jarduteko, ez dela baztertua izan edozein administrazio publikoren zerbitzutik diziplina espediente baten bidez, eta ez dagoela sartuta abenduaren 26ko 53/1984 Legeak, administrazio publikoaren zerbitzura dauden langileen bateraezintasunenak, jasotzen dituen eta ezgaitasuna edo bateraezintasuna dakarten egoeretako batean.
- e) Espainiako nazionalitatea ez duten izangaiek zinpeko aitortpena edo hitz ematea aurkeztu beharko dute, adieraziz ez daudela funtzio publikora sartzeari eragozten duen diziplina zehapen edo kondena penal baten mende.
- f) Deialdiaren oinarrietan eskatzen diren eta hautaketa-prozeduran egiaztatu ez diren baldintza espezifikokoak betetzen direla egiaztatzen duten agiriak.



Aurkeztutako agiriak jatorrizkoak izan beharko dira, kopiatzeko eta konpultsatzeko, edo aldaezin egiten dituen lokalizatzailerak edo sinadura elektronikoa daukaten agiriak, eta Arabako Foru Aldundiaren Giza Baliabideen Zerbitzuan aurkeztu beharko dira (Probintzia Plaza 14, 3. solairua, Vitoria-Gasteiz, 01001 PK). Dokumenturen bat beste hizkuntza batean idatzita badago, dokumentu horrekin batera zinpeko itzulpena ere aurkeztu beharko da.

Era berean, hautatuek egiaztatu beharko dute ez dutela gaixotasunik edo akats fisiko edo psikikorik, oinarri hauen eta deialdi bakoitzaren oinarri espezifikoaren arabera dagozkien eginkizunak betetzea eragozten duenik, eta onartu egin beharko dituzte Arabako Foru Aldundiak zehazten dituen zerbitzuetan egingo diren probak eta osasun azterketak.

#### **8.4 Agiriak ez aurkeztea**

Izangaiak ez badituzte aurkezten agiriak adierazitako epearen barruan, ezinbesteko kasuetan izan ezik, edo agiriak aztertuta ondorioztatzen bada ez dutela betetzen deialdiaren oinarrietan eskatzen diren baldintza orokor edo espezifikoetarako bat, edo ez badaukate eginkizunak betetzeko behar den gaitasun funtzionala, izendapen proposamenetik kanpo utziko dira, eta deuseztatuta geratuko dira haien jardun guztiak, eskabidean datu faltsuak emateagatik bereganatu lezaketen erantzukizunaren kalterik gabe.

### **9. KARRERAKO FUNTZIONARIOAK IZENDATZEA ETA LANPOSTUEZ JABETZEA**

Bigarren diputatu nagusiorde eta Enplegu, Merkataritza eta Turismo Sustapenaren eta Foru Administrazioaren Saileko foru diputatuak foru agindu bidez Arabako Foru Aldundiaren Administrazio Orokorreko eskala, azpieskala eta klaseetako karrerako funtzionario izendatuko ditu izendapen proposamenetan agertzen diren izangaiak, eta dagozkien lanpostuei atxikiko zaizkie.

Izendapenak Arabako Lurralde Historikoa Aldizkari Ofizialean (ALHAO) eta Arabako Foru Aldundiaren enplegu atarian argitaratuko dira.

Izendatuek hilabeteko epean hartu behar dute jabetza karrerako funtzionario moduan, izendapena egiten duen foru agindua ALHAOn argitaratzen den egunaren hurrengotik aurrera.

Ezarritako epean jabetza hartzen ez duten izendatuek, ezinbesteko arrazoiengatik izan ezik, galdu egingo dituzte Arabako Foru Aldundiaren Administrazio Orokorreko karrerako funtzionario izaera lortzeko eskubideak.

### **10. ALDI BATERAKO ENPLEGUAREN POLTSAK**

Oinarri orokor hauetan arautzen diren salbuespenezko deialdiek ez dute aldi baterako lan poltsarik sortuko.

### **11. DEIALDIEN AURKA EGITEA**

Interesdunek deialdiaren, oinarrien, haien ondoriozko administrazio egintza guztien eta epaimahaien jardunaren aurka egin dezakete, urriaren 1eko 39/2015 Legeak, administrazio publikoen administrazio prozedura erkidearenak, eta uztailaren 13ko 29/1988 Legeak, administrazioarekiko auzien jurisdikzioa arautzen duenak, jasotzen dituzten kasu eta eretan.